

ԷԱԿԱՆ ՓԱՍՏԵՐ ԵՎ ՏԵՂԵԿՈՒԹՅՈՒՆՆԵՐ

ԱՐԱՐԱՏԲԱՆԿ

Բաց Բաժնետիրական Ընկերություն

ՀՀ, ք. Երևան, Բուզանդի 87 շենք, թիվ 85, հեռ. 54-78-95, ֆաքս 54-78-94, էլ. փոստ

araratbank@araratbank.am

Հաշվետվություն թիվ 06, 04.06.2024թ.

ԱՐԱՐԱՏԲԱՆԿ ԲԲԸ Խորհրդի 03.06.2024թ. որոշում (որոշում **ՈՐԽ0102-32/L**) արժեկտրոնային պարտատոմսերի թողարկման վերջնական պայմանների հաստատման մասին:

ք. Երևան

Կողմ: ՈՐԽ0102 -32/L

Դաս: ՀՊ

«03» հունիսի 2024թ.

**ԱՐԱՐԱՏԲԱՆԿ ԲԲԸ ԽՈՐՀՈՒՐԴ
Ո Ր Ո Շ Ո Ւ Մ
ԱՐԺԵԿՏՐՈՆԱՅԻՆ ՊԱՐՏԱՏՈՄՍԵՐԻ ԹՈՂԱՐԿՄԱՆ ՎԵՐՋՆԱԿԱՆ
ՊԱՅՄԱՆՆԵՐԻ ՀԱՍՏԱՏՄԱՆ ՄԱՍԻՆ**

Հիմք ընդունելով «Բանկերի և բանկային գործունեության մասին» Հայաստանի Հանրապետության օրենքի Հոդված 21⁶-ի 1-ին մասի ժգ) կետը, ԱՐԱՐԱՏԲԱՆԿ ԲԲԸ (այսուհետ՝ Բանկ) Կանոնադրության 12.1 կետի ժը) ենթակետը, ինչպես նաև պարտատոմսերի թողարկման միջոցով Բանկի պարտավորությունների կազմի և կառուցվածքի բարելավման նպատակով՝ Բանկի Խորհուրդը

Ո Ր Ո Շ Ե Ց .

- Հաստատել ՀՀ Կենտրոնական բանկի նախագահի 2024 թվականի ապրիլի 10-ի «ԱՐԱՐԱՏԲԱՆԿ» բաց բաժնետիրական ընկերության պարտատոմսերի ծրագրային ազդագիրը գրանցելու մասին» թիվ 1/123Ա որոշմամբ գրանցված ազդագրի ներքո արժեկտրոնային, առանց ապահովվածության պարտատոմսերի (այսուհետ՝ Պարտատոմսեր) թողարկման վերջնական պայմանները՝ համաձայն Հավելված 1-ի:
- Հանձնարարել Բանկի Գործադիր տնօրենին՝
 - Պարտատոմսերի թողարկման վերջնական պայմանները ներկայացնել ՀՀ Կենտրոնական բանկ՝ ի գիտություն,
 - կազմակերպել «Հայաստանի կենտրոնական դեպոզիտարիա» ԲԲԸ հետ «Անվանական արժեթղթերի սեփականատերերի ռեեստրի վարման» պայմանագրի կնքումը,
 - թողարկվող Պարտատոմսերի տեղաբաշխման ավարտից հետո ապահովել ցուցակման հայտի ներկայացումը «Հայաստանի ֆոնդային բորսա» ԲԲԸ՝ կարգավորվող շուկայում Պարտատոմսերի առևտրի կազմակերպման նպատակով,
 - երկրորդային շուկայում Պարտատոմսերի իրացվելիության և ներդրումային գրավչության բարձրացման նպատակով համապատասխան մասնագիտացված ընկերության հետ կնքել Պարտատոմսերի շուկայի ստեղծման պայմանագիր:
- Սույն որոշումն ուժի մեջ է մտնում ընդունման պահից:

Խորհրդի նախագահ՝

Գրիգոր Հովհաննիսյան